

۱۹ رجب ۱۳۳۰

پنجشنبه

۲۰ حیران ۱۳۲۸

نومبر ۱ — ۲۴

نسخه سی ۲۰ پاره در

چرخ فتنه

امور اداره و تحریریه و اعلانات و سائرہ ایچون مدیر
مسئولہ سراجعت ایدمللیدر .

آبونه سی بر سنه لك اعتباريله ممالك عثمانیه ایچون
۱۵ و ممالك اجنیه ایچون ۲۰ غروشدیر .

محل اداره باب عالی جوارنده ابوالسمود جاده سنده
نجم استقبال مطبعه سی

شمه ديلك اون بش كونده بر نشر اولنور

صرفای اهنك مقالات متصوفانه لرینه جریده
صوفیه نك حیفه لری آچیندر .

تصوفی ، دینی ، سیاسی اخلاقی ، ادبی نورك جریده اسلامیه سیدر

علیه السلام ابله متحد اولدینی و بوانحدک امتزاج طریق اوزربنه اولدینی اعتقادات اسایه اولهرق قبول ایتشدردر .

بونلرک قولندن واحد بالجوه ر بقی ایکی جنسندن مرکب اولدینی بسیط و واحد اولدینی ا کلاشیلور .

یعقوبیه : بونلر یعقوب نامنده برینک اصحابی اولوب اقایم ثلثیه قائلدردر . اصحاب ثلثیک جمله سی قدیمک محدث ابله اتحادی جائز اولدینی اوزربنه اتفاق ایتش . و مسیحک حضرت مریمدن طوغدیفنه و قتل صاب اولدیفنه و حضرت مریمک طو - غوردینی حاشا و کلا آله اولدیفنه مسیح ناموت کای ازلی ، مریم ایسه انسان جزئی و جزئینک کای طوغوره مبه جفته و آتی انجق اقوم قدیمک طوغوره جفته فرقه یعقوبیه داخل اولان کیمسلر قائل اولش . بونلر و بونلره ممائل پک چوق اقوال باطله ذکر ایتشدردرکه جناب فاطر اقدس جمله سندن منزله و برادر .

مسائل جلیل صوفیه کوره بو کی اقوالک مردوبتی منتسبین صوفیه ک قائل اولدینی عقائدک مقبولیتنی کوستره چکز . قوم نصاری وجود ، حیات ، علم ، نامیله اقایم ثلث اثبات و بونلره اب ، ابن روح قدس تسمیه ابله اقوم علمک بدن عیسی علیه السلامه انتقالتنی قبول ایتدیر . اقوم کله پی همزه و نونک ضمه لر یله لغت رومدن مریدر . (اصل) معانی مفید اولور . قوم نصاری نک بزجه مغایر توحید اولان انفکاک و انتقالی قبوللرنده برطاقم مغایر توحید حقیقی اولان ذوات متغایره حاصل اولدینی و انتقال و انفکاک ایسه تغایری استلزم ایتدیک و هاته ا کلاشلدی .

قوم نصاری جناب حقک جوهر واحد اولدینی وانک انجئون اقایم ثلثیه ک بولدینی کوستروب اوده جوهردن برجزه و جوهرک جزئی ایسه بنه جوهردن اولوب غیری دکلدر دیه تثلیث ایتدیر .

حق مطلقدر حدیث شریفده (لودی احدکم حبله الیهبط علی الله) وارد اولمشدرکه : معنای سزدن بریکز اپنی سالیورسه اللهک اوزربنه دوشور ، ایشنه ایکی مسئله مهمه که : طبان طبانیه ضد (لقد کفر الذین قالوا ان الله ثالث ثلثه) بنه دیرزکه عالم معانی و حقایقه مرشی متجددر وحدت مطلقه و وحدت معنویه بی حق و حقیقتیه تفهم ایدلرندن قطعاً بویه هذیان صادر اولمز (ثالث ثلثه) دیرک حق تقبید ایتدکاری انجئون دیره توحیددن خارج قالدیار بوصورنده رابع ثلثه صرف ایمان و توحیددر . (و مایکون من نحوی ثلثه الا هو رابعهم) اگر ثالث ثلثه اولسه ایدی متمین اولوب انلرندن بری بولنوردی .

ذات مقدسک وجود حقانیه سیله ثانی واحد و ثالث اثنین و رابع ثلثه و خامس اربعه و ثالث خسه در و بوحقایقک جمله سیدر بلا مقارنت و جمله نک غریدر بلا مزایله نیکیم امیر المؤمنین حضرت علی کرمه وجهه پیورمشدیکه (هو مع کل شیء لا بمقارنه و غیرکل شیء لا بمزایله) نیکیم بو باده شیخ الثانی المعروف حضرت صدر الدین قنوی قدس سره حضرتلری (ان الحق مع کل شیء محیط بظاهر کل شیء و باطنه لامن حلول ولا مجاوره ولا تمازجه) جناب فاطر اقدس ، تمازجه ، مجاوره ، حلول ، صورتیه اولیهرق هر موجودک ظاهرنده جاری ، باطننده ، ساری ، و کافه سی محیطدر . (و حلناکم فی البر والبحر) بوکا برشاهد عادلدر .

مراتب اعداد الی غیرالنهایه متعدد و متکثر ، بعضی بعضی سندن جزء و بوصورنده جزده کاک غیری دکلدر . اهل سنه کوره تعدد و اکثر صفانده نزاع اولوب نزاع حقیقی تعدد ذوات قدیمه در . یوقاریده عرض اولدینی و جمله اقایم ثلثیه بدن حضرت عیسی علیه السلامه انتقال ایتدیرمک کفر صریح و حذلان و ضیحدر . صوفیه قدس اه تعالی اسرارهم حضرتانه کوره هیچ برشی حقدن جدا و هیچ برزده بی نور خدا دکلدر . ذات حقیقی جمیع ارواح اشباحی احاطه ایتش و هر موجودک استعداد و قابلیت مزعنه تخم و جودی اکشدر .

در مذهب ماچوسایه و نوریکیت خاک ره فقر و نایق فقر و کیت انجساکه مقام پاک بازان باشد دانم بیقین که دارا بکیت مشویخوان

عبدالله

قصیده

محی الدین عربی حضرتلری زیارت

بارک الله بر ولی الله قیلیم التساب

کیم در دولنایی اسمانی نه قباب

کردش افلاکدن سکان عرشی بی کزند

جوشش ادرا کدن خلاق فرشی ذوالرقات

مست صهای حدیثی اولیای ذی قلوب

طالب فیض رحیض اصداقای جم جناب

جوهر یکتای فضلی اولقدردر منجلی

کیم فضیلتده انک نورندن آلمش آب تاب

ظاهرنده باطننده نورلر رخشان اولور

بر یانندن آفتاب اول بر یانندن ماهتاب

ظاهری شمس الضحادر باطنی بدرالدجا
 صورتی نورالهدادر سیرتی نیر نقاب
 اول حریم خاص درگاه الهی کم اولور
 استانی اولیایه سده دولتاب
 اول ندیم انجمن پیرای عالم کم بولور
 صحتندن فیض جاویدان عشقی شیخ شاب
 نطقه کلدکجه ایدوب جوش و خروش اول بحر نور
 ایلر انس وجنی هم کرو بیانی نشووباب
 نطقنک هر بند زیبایی بر قانون فیض
 قولنک هر نکته رعنائی بر فصل الخطاب
 رشمه فیض کالاتیکه ایتمش ، اتمده
 سر جاوید خدادن عالمی حائر نصاب
 اول سلیم القلب عالی همت اول فرخنده رأی
 اول جواد الطبع والا منقبت اول درناب
 مطلع انوار سبحانی که تاب لطفنک
 مظهر فیاضیدر امطار ایدن هر بر سحاب
 منبع آثار رحمانی که فیض جوششی
 اهل دل کوکاندن اولمش دافع رنج و عذاب
 مجمع الای محمودی که هر کیم کورسه دیر :
 « این که می بینم بیدار بست یارب یا بخواب ،
 بیت آیین نوله تضمین ایدرسم وصف ایچون
 نفی سحر آفرینک جاییدر بی ارتیاب
 « مظهر شرح محمد مظهر سراحده »
 ظاهر و باطنده ذات احمده نائب مناب ،
 خالق و خلقندن عیاندن نور سلطان الرسل
 مایه سی فیض محمدن قلنمش انتخاب
 الله الله مطلقا سر حبیب الاهددر
 یا حبیب الاهدن عکس ایلش ظل سراب
 نور عرش الله محی الدین شیخ اکبر لقب
 کیم مشایخ پر توندن اتمده فیض اکتساب
 اولوکه فیض عالمی ، فضل ذات بی همتاسیدر
 مشعل فیروزه قام و شعله زرین طناب
 اول که دریای محیط دانش بکتاسیدر
 ماورای عقل و ادراک بشر فیض مذاپ
 مظهر نور علی اول رتبه کم دینسه روا
 حرف بای بسمله بانقطة ذات الشهاب
 نور ذی النورین حق پیرا انا لقرآن کو
 عارف سبع المثانی پرده بردار غیاب

وارث فیض عمر دردانه بحر کهر
 تاب خورشید و قر تابشکه ام الکتاب
 رازدان روح بابکر آشنای سردوست
 یاسی بردار دوغ و رونق افزای صواب
 سینهمنده مختفی ظل ظلیل احدى
 جههمنده منجلی برق جلال ذوالعقاب
 سر حقدر والسلام اول هادی راه یقین
 غیبیان اتمک نه ممکن دیده سندن احتجاب
 السلام ای منبع فیض جهانگیر ابد
 کیم چکر تاب جمالکدن حجات افتاب
 السلام ای مطلع فیض جهاندار ابد
 کیم ایدر آب کلاک لامکانه انصباب
 کیم اولور خدام نعلین شریفینک مثاب
 السلام ای لامع النور الهی السلام
 کیم فروغکله کیدر غمکین کوکاندن اضطراب
 السلام ای مجمع الای غیب سرمدی
 السلام ای جامع السور کاهی السلام
 کیم ایدر پروانهوش انواریکه دل انجذاب
 انتسابم کوندن اظهاردر غبار پایکه
 یا ولی الله مدد قیل ایله ناز و عتاب
 نار عشق الله ایله دلسوخته بر بنده یم
 ضرب ذکر الله ایله قلب حزین پرا التهاب
 لوحه دلدہ تجلیات حقدر منجلی
 خامه قدرتله مسطور انده فیض انقلاب
 انتظار نشوۀ جاوید ایله شام و سحر
 ایلم ایام عمر نازنینم احتساب
 همشکله ایدوب بردم نوله بخش فتوح
 صنفه قلمده یازسه ک پر کتاب مستطاب
 مقصد استرحام فیض همشکدر یا ولی
 بوقسه ممکنمی ثنای دولنک عد و حساب
 ذیل روحانیه عین توسلدر سوزم
 وردجنتله معطر در اوزیل مشکتاب
 کمز امیدین « رضا » درگاه لطفکدن سنک
 رحمة الله علیک ای سرور شو کتخاب